



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Festum Deiparæ à Constantinopoli, seu Odigitriæ, quod feria 3.  
Pentecostes celebratur, nu. 13.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

Romanorum  
Pantheon  
in B.V. ac  
omnium  
martyrum  
honorem  
dicatum.  
Martyrol.  
Rom. Boni-  
facius IV.  
Pont.

DEDICATIO S. MARIÆ AD  
Martyres Romæ 13. Maii.

**D**edicatio Ecclesiæ sanctæ Mariæ ad Mar-  
tyres Romæ 13. Maii: *Quam Ecclesiam,*  
inquit Martyrologium Romanum ad eam di-  
cem, *Beatus Bonifacius Papa Quartus, expurga-*  
*to Deorum omnium veteri fano, quod Panthe-*  
*on vocabatur, in honorem Beatae semper Virgi-*  
*nis Mariæ, & omnium martyrum dedicavit,*  
*tempore Phoca Imperatoris. hæc ibi. quod ex*  
*Sigiberto apud Genebrardum ad annum Do-*  
*mini 613. refertur. Gregorius vero Quartus*  
*qui sedit anno 828. eandem festivitatem sub*  
*honore Dei Genitricis, & omnium Sanctorum*  
*in universali Ecclesia die primo Novembris,*  
*ut supra diximus, celebrandam decrevit. Ro-*  
*mæ tamen die etiam decimo tertio Maii in e-*  
*odem Templo, olim Pantheon dicto, ejus dedi-*  
*catio fidelium concursu celebris habetur.*

EXPECTATIO PARTVS DEIPARÆ  
18. Decembris in Hispania.

Expecta-  
tionis ar-  
tus Deipa-  
ræ solemn-  
tas, à quo  
instituta.

12. **E**xpectatio partus Deiparæ die decimo  
octavo Decembris solemnitas est cele-  
berrima in Hispania: etenim, ut supra diceba-  
mus ex Mariana, anno salutis 656. à Concilio  
Toletano X. cap. 1. sub Eugenio Archiepiscopo  
Toletano institutum est festum 15. calendarum  
Januariarum, hoc est 18. Decembris, sub nomi-  
ne Annuntiationis Deiparæ, quam Patres il-  
lius Concilii, quod condigne in Quadragesi-  
ma, vel Paschate celebrari non posse videret-  
ur, in illum diem transferendum duxerunt, his  
verbis: *Ut ante octavium diem, quo natus est Do-*  
*minus, Genitricis quoque ejus dies habeatur ce-*  
*leberrimus, atque praeclarus, ex pari enim hono-*  
*re constat, ut sicut Nativitatem filii sequen-*  
*tium dierum insequitur dignitas, ita festivitatem*  
*matris tot dierum sequatur sacra solemnitas.*  
*Nam quid festum matris, nisi incarnatio*  
*Verbi? cuius festum ita debet esse solemnne, sicut*  
*est & ejusdem Nativitatis Verbi. hæc ibi. Ve-*  
*rum postea sanctus Ildefonsus Eugenii nepos,*  
*& in Toletano Episcopi opatu successor, ean-*  
*dem diem Deiparæ facram sub nomine Ex-*  
*pectationis partus ejusdem esse decrevit, eam-*  
*que magna pietate in hoc usque tempus ce-*  
*lebrant Hispani, quam etiam à Gregorio XIII.*  
*confirmandam curavit, cum Annuntiatio*

Virginis ibi 25. die Martii cum universali Eccle-  
sia recolatur. hæc porro solemnitas vulgo S.  
Maria de O vocatur, quod in primis hujus solē-  
nitatis vesperis in Ecclesiastico Officio ponan-  
tur celebres illæ Antiphonæ ante Nativitatem  
Domini ab O initium ducentes, quibus anti-  
quorum Patrum ardens desiderium Christi Do-  
mini Adventum cupide expectantium exprimi-  
tur. Vide Ribadeneiram in Vitis Sanctorum  
ad diem 18. Decembris; Arnoldum Wyonium  
in Martyrologio Benedictino eadem die; Ma-  
rianam lib. 6. de rebus Hispan. c. 9. Azor tom. 2.  
lib. 1. cap. 28. & Vincentium in speculo historia-  
li lib. 7. capite 120.

FESTVM DEIPARÆ A CONSTAN-  
tinopoli seu Odigitria, quod feria 3.  
Pentecostes celebratur.

13. **F**estum B. Virginis Odigitriæ, quod in Si-  
cilia mutilo, ac decurtato nomine de I-  
tria, alii vulgo appellant à Constantinopoli, feria  
tertia Pentecostes (ubi aliquod ei Templum, Constan-  
tinopoli, seu Odigitria, vel Sacellum erectum est, ac dicatum) magno  
populorum concursu celebrari consuevit:  
quemadmodum Romæ, Neapoli, & alibi præ-  
sertim in Sicilia fieri videmus, ejusmodi vero  
festum duxisse videtur originem à Deiparæ I-  
magine sancti Lucæ penicillo expressa, & à Pul-  
cheria Augusta Theodosii Junioris sorore  
Constantinopolitani Templo à se à fundamen-  
tis excitato, cui nomen τὸ ὀδηγίον, hoc est *vis*  
*ducum*, est inditum collocata, una cum quibus-  
dam Christi Domini fasciis, ac fuso ejusdem  
Virginis, de qua Imagie Nicephorus libro  
decimo quinto, capite decimo quarto. Pulche-  
ria, inquit, Augusta Templum in Urbe Con-  
stantinopolitana crexit ὀδηγίον *via ducum* ap-  
pellatum, ubi Antiochia missam Verbi matris  
Imaginem dedicavit; quam D. Apostol. Lucas  
suis ipse manibus depinxit, illa adhuc vivente,  
& tabulam ipsam vidente, gratiamque adeo illi  
formæ suæ immittente. Hæc Imago in loco,  
quod Tribunal dicitur, fuit; ubi ea, quæ nunc  
quoque fiunt miracula, peracta sunt. Porro in  
Templo illo, ut TERTIO quoque septimane die  
pervigilium fit, & supplicatio perageretur, cu-  
ravit, quod ad hunc usque diem servatur. hæc Ni-  
cephorus. Ex quo factum est, ut Constantino-  
politani, cum vel hostium obsidione, vel aliis  
angustis premerentur, ad Deiparam confuge-  
rent.



Tract. de  
miraculis.

runt, atque admirabilem ejus opem, quemadmodum in Tractatu de Miraculis allatis historiis ostendimus, experti sapissime fuerint. Verum reliquis omissis, id tantum afferam in præsentia, quod de ejusmodi imagine scribit Vincentius Beluacensis, qui ante 400. circiter annos floruit, in Speculo historiali libro 23. capite 147. ubi, cum ageret de Saracenis tempore Leonis II. Imperatoris, magna cum eorum cæde profligatis: Apud Constantinopolim, inquit in Monasterio sanctæ Dei Genitricis juxta palatium in mari prope sanctam Sophiam, erat Imago beatae Mariæ, quæ tenebat infansem in brachio, quam depinxit in tabula sanctus Lucas, cum adhuc viveret sancta Maria: hæc imago vocatur Odigitria, id est deductrix, quia duobus cæcis apparuit sancta Maria, & deduxit eos ad suam Ecclesiam, & illuminavit eos, cum ista imagine faciunt processionem omni die MARTIS per totam Civitatem. Hæc ille, additque cum ejusmodi Imago per Urbem circumferretur, Saracenos male perisse, eandem historiam ex Vincentio refert S. Antoninus tom. 2. hist. ut. 14. c. 2. § 3.

Duobus  
cæcis B. V.  
apparuit,  
illosq; illu-  
minavit.

Per imagi-  
nem Dei-  
para Saraceni debel-  
lari.

Imaginis  
Deipara à  
Constanti-  
nop. exem-  
pla præ-  
clarissima.

Hujus Imaginis exemplum una cum peculiaritate in eam pietate in Occidentis partes est propagatum; quare & Tempia, & Sacella ei dicata passim conspiciuntur: nec Deiparæ benignitas mortalibus defuit; plurima enim beneficia ad se confugientibus præstat; quod tabellæ in ejusmodi Templis, vel Sacellis appensæ satis testantur: quo etiam factum est, ut complures feria tertia cujuscumq; hebdomadæ propter institutionem Pulcheriæ, teste Nicephoro loco citato, & propter ea, quæ attulimus ex Vincentio Beluacensi in honorem Deiparæ Constantinopoli peracta, ejus Templum religionis, ergo adeant, & iis tantum cibis vescantur, quibus in Quadragesima uti licet.

S. MARIA ANGELORVM, SEV  
de Portiuncula die secunda  
Augusti.

S. Maria  
Angelorū  
solemnitas  
per S. Fran-  
ciscum de  
Assisio pro-  
mulgata.

IN religiosissimo Minorum Ordine sanctæ Mariæ Angelorum, seu de Portiuncula die 2. Augusti festum soleone celebratur, propter amplissimam indulgentiam, quam S. Franciscus à Christo Domino Deipara deprecante, cunctis peccata sua rite confessis, Templumque S. Mariæ Angelorum Assisii

ea die invifentibus impetravit; quod in libro Conformitatum S. Francisci conform. 2. & in Chronicis Minorum part. 1. l. 2. cap. 1. fufius describitur.

S. MARIA A CARMELO  
16. die Julii.

S. Maria à  
Carmelo.

CElebris est solemnitas B. Virginis à Carmelo, quæ die 16. Julii ingenti fidelium pietate celebratur; in ejuſq; honorem feriam quartam cujuscumq; hebdomadæ peculiariter dicatam colunt complures, eaque die à carnibus sponte abſtinent.

COMMEMORATIO S. MARIÆ  
de Victoria die 7. Octobris, & Festum  
Rosarii Dominica 1. Octobris,

S. Mariæ de Victoria commemorationem Pius V. Pontifex Maximus ob insignem de Turcis anno 1571. Deiparæ auxilio ad Echindaspartam victoriam quotannis fieri instituit die septimo Octobris, ut videre est in Martyrologio Romano ad eundem diem. Verum quia eo anno septima dies Octobris in primam ejusdem mensis Dominicam incidit, quo tempore sollemnis Sodalitatis Rosarii supplicatio fiebat Gregorius XIII. Pont. Max. Pij V. successor, hanc sollemnitatem sub nomenclatione Rosarii Dominica 1. Octobr. in Ecclesia, ubi altare vel capella Rosarii fuerit, tanquam festum sollemne sub duplici majori officio decadem Virgine Deipara celebrari iussit, quemadmodum c. 10. diximus.

Commem.  
S. Maria de  
Victoria à  
Pio V. insti-  
tuta.

FESTVM DOLORVM DEIPARÆ.

Festum dolorum Deiparæ, quos cum puerum Jesum sisteret in Templo, Simeon ei vaticinatus est à Cisterciensibus, quemadmodum ex eorum Breviario colligitur die 16. Aprilis, ab aliis vero plurimis in locis, præsertim in Atrebatensi diocesi feria sexta ante Dominicam Palmarum solemniter celebratur. In ejusmodi Virginis Dolorum memoriam apud Trajectensem diocesem in D. Ægidii, ubi Canonicorum Collegium erat, Societas quædam erecta est; quo in loco cõplura signa, ægrotis reddita valetudine, mortuis ad vitam revocatis, divinitus sunt exhibitæ; quæ admodum

Dolorum  
B. Virginis  
solemnitas  
Luc. 1.  
Breviariū  
Roman.

Liber de  
societate in  
memoria